

## ISUMAQATIGIISSUMMUT TAPILIUSSAQ

### 2020-mut Kalaallit Nunaanni Namminersorlutik Oqartussat aamma Russit Ataatsimoorussamik Naalakkersuisuisa aalisarnermut tunngasunik 28-inut isumaqatigiissutaannut

Kunneqarfiup Danmarkip Kalaallit Nunaatalu Naalakkersuisuisa aamma Russit Ataatsimoorussamik Naalakkersuisuisa akornanni Kalaallit Nunaata Naalakkersuisuisa Russillu Ataatsimoorussamik Naalakkersuisuisa Aalisarnikkut Pissutsit pillugit Atassuteqaqatigiittarnissaannik Isumaqatigiissut naapertorlugu Kalaallit Nunaanni Namminersorlutik Oqartussat Russillu Ataatsimoorussamik Naalakkersuisuisa aalisarnermut tunngasunik aallartitaasa (matuma kingorna "isumasioqatigiinnerannik" taaneqartartussaq) 28-ssaannik Københavnnimi Danmarkimi ulluni 2.-3. december 2019-imi isumaqatiginninniarnat.

2 Illuatungeriit makku isumaqatigiissutigaa:

1. Ataatsimiinnermik ammaaneq
2. Oqaluuserisassat akuersissutigineqarnerat
3. Barentsip imartaani Kalaallillu Nunaata Kitaani Kangianilu aalisakkanik isumalluutit killiffiat
4. Russit ataatsimoorussamik naalakkersuisuisa immikkut aningaasarsiornikkut imartaani aamma Kalaallit Nunaata aalisarfiani pisat pillugit kisitsisinik paasissutissanik paarlaasseqatigiinneq
5. Aalisakkanik raajanillu piujuartitsiniarluni teknikikkut aaqqiinerit. Aalisakkanik tunisassianik naatsorsueriaatsit
6. Illuatungeriit aalisarneq, aalisarneq pillugu inatsisinik atuutsitsilernerat malinninnerallu pillugit inernerit oqaloqatigiinnerat. Angallatip allattuiffiinnut paasissutissat
7. Qarasaasiakkut paasissutissanik paarlaasseqatigiissinnaanernut paasiniaaneq
8. Illuatungeriinnut soqutigineqartunik ilisimatuussutsikkut teknikikkullu suleqatigiinneq pillugu oqallinneq
9. 2020-mut illuatungeriit pisassiissutinik paarlaasseqatigiinnissaannut aalajangiinerit
10. Any other business
11. Ataatsimiinnerup naanera

Illuatungeriit aalajangerput suleqatigiissitat makku pilersinniarlugit: ilisimatusarnermi suleqatigiinnermut, nakkutilliinnermut kiisalu isumaqatigiissummut tapiliussamut tunngasunik suliaqartussat.

### 3 Barentip imartaani Kalaallillu Nunaata Kitaani Kangianilu aalisakkanik isumalluutit pillugit killiffik

Kalaallit Nunaata Rusland Kalaallit Nunaata Tunuani Kitaanilu qaleraleqassutsit, Tunumi suluppaagaqassuseq kiisalu Irmingerip imartaani aalisakkat ikerinnarsiortut pillugit ilisimatippaat. Tunumi qaleraleqassutsinik misissuinerup takutippaa taakku appariartortut, kalaallillu aalisarfiani pisat amerliartorsimallutik. Kalaallit Nunaata kitaani qalerallit aalaakkaapput pisallu amerliartorlutik. Aalisagaqatigiit taakku marluk siunertaq naapertorlugu aalisarneqarput. Aalisagaqatigiinnut suluppaakkanut kajualaartunut (*Sebastes norvegicus*) uumassuseqassuseq pitsaavoq, taamaattoq ikiliartorlutik amerliartorpianginnertik pissutigalugu. ICES-imit 2020-mut 2019-imit allanngunngilaq aalisagaqatigiillu aalaakkaasutut isigineqarlutik. Suluppaakkat natersiortut (*Sebastes mentella*) Kalaallit Nunaata nunap toqqaviata sivinganerani suli appasipput 2019-imiillu siunnersuineq allanngorani. 2020-mut

Irmingerip imartaani suluppaakkanut ikerinnarsiortunut siunnersuineq suli tassaavoq aalisartoqassanngitsoq.

Ruslandip Kalaallit Nunaat ilisimatippaa Barentip imartaani aalisakkat niuerutigineqarsinnaasorpasuit pillugit oqaatigalugulu Atlatikup avannaata saarullia kullerialu aalisarneqarsinnaasut suffisartullu ikiliartortut. Ruslandip ilisimatuussutsikkut siunnersuineq 2019-imeersoq saqqummiuppaa taamaattoq raajanut ICES-imit siunnersuineq nutaaq pissarsiassaalluni.

Russit aallartitaasa oqaatigaat ICES-imit Irmingerip imartaani suluppaagaat ikerinnarsiortumik naliliinermi russit biologii malillugit aalisagaqatigiit amerliartorput. Inernerit ICES-imut saqqummiunneqarput.

Russit aallartitaat Tunumi qalerallit ikilisi manerannut qularuteqarput, tassami ukioq manna pisat amerlanerannik tamanna akerlilerneqarmat.

#### **4 Russit ataatsimoorussamik naalackersuisuisa immikkut aningaasarsiornikkut imartaani aamma Kalaallit Nunaata aalisarfiani pisat pillugit kisitsisinik paasissutissanik paarlaasseqatigiinneq**

Illuatungeriit 2018-imut Russit ataatsimoorussamik naalackersuisuisa immikkut aningaasarsiornikkut imartaani aamma Kalaallit Nunaata aalisarfiani pisat pillugit kiisalu 2019-imut maannamut pisaagallartunik kisitsisinik paasissutissanik paarlaasseqatigiipput.

Nakkutilliinermut kisitsisinillu paasissutissanik paarlaasseqatigiinnermut tunngatillugu illuatungeriit isumaqatigiissutigaaat russit kalaallillu aalisarfimmini angallatitik pisatillu pillugit qaammammut ilisimatitsissutinik paarlaasseqatigiittarniarlugit.

Ilisimatitsissut taanna Kalaallit Nunaannit uunga nassiunneqassaaq Severomorskoe Territoriale Department, Murmansk, fax Nr + 7 8152 798126/e-mail: murmansk@bbtu ru, Ruslandimillu Kalaallit Nunaanni Aalisarnermut Nakkutilliisoqarfimmut (KANUAANA) nassiunneqartassalluni uunga fax Nr +299 346063, e-mail: gflk@nаноq gl aamma Issittumi Sakkutooqarfimmut fax +29936 40 99, e-mail:vfk@mil dk.

Kalaallit aalisariutaat russit pisassiissutaannik Norgep aningaasarsiorfittut imartaani aalisartut tikinnissaminnut, aallarnissaminnut pisallu pillugit Severomorskoe Territoriale Department-imut paasissutissiisassapput. Russit aallartitaasa oqaatigaat nalunaarusiat kalaallit aalisariutaanni aquttunit nassiunneqartartut russit pisassiissutaannit pisanik ilaqartinneqartassasut. Russit Norgemiullu pisassiissutaat pillugit paasissutissanik ataatsimoortillugit nalunaarummi ilaatinneqassanngillat.

Illuatungeriit isumaqatigiissutigaaat kalaallit aalisariutaasa pisanut nalunaarutaanni tunniunneqartuni russit aningaasarsiornikkut aalisarfiata iluani avataaniluunniit pisat apeqqutaatinngit russit akuersissutaannik normumik ilaqartinneqartassasut. Nalunaaruteqartarnissamut piumasaqaatit taakku eqquutsinneqanngippata tamanna unioqutitsinertut isigineqassaaq.

Kalaallit aallartitaasa ilisimatitsissutigaaat kalaallit aalisariutaasa russit pisassiissutaannik aalisarneranni nalunaarutiginnittartussaannermik eqquutsitsiniarnermut tunngatillugu

akuersissutini piumasagaatit Kalaallit Nunaata nammineq aalisariutiminut akuersissutinik tunniussinermini piumasagaataani aalajangersakkat atorneqassammata.

Russit aallartitaasa oqaatigikannerpaat kalaallit aquttuisa immersugassaq 'Russit EEZ-iata iluani aalisarnermut nalunaarut ' aamma Russit EZZ-iata avataani russit pisassiissutaannik aaliarnermi pisanik nalunaarut' nalunaarusioraangamik atorluarsinnaagaat (tapiliussat 5 aamma 6).

## **5 Aalisakkanik raajanillu piujuartitsiniarnermik teknikikut suliniutit. Aalisakkanik nioqquittissianut naatsorsueriaatsit ataatsimoortut**

Russit ataatsimut naalakkersuisuisa immikkut aningaasarsiorfiata imartaani:

### **Saarullit aamma kullerit**

Russit Barentip imartaani aningaasarsiornikkut saarullinnik kullerinillu qalorsualerluni aalisarfianni immikkoortiterissutit paakkarutaasa atornissaat piumasagaataapput. Immikkoortiterissutit paakkarutaat siornatigut atorneqartut, tassa paakkarutit minnerpaamik 55 mm-mik akunneqarnissaannut atorneqartut naapertorlugit aaqqissugaassapput.

Qalorsuarnut illersuutit nigartakitsut kiisalu immikkoortiterissutinut paakkarutinut nigartakitsut atorneqarsinnaapput.

Qalorsuarnik naqqasiorluni saarullinniarnermi kullererniarnermilu nigartat minnerpaaffissaat aalisarfianni tamarmi 130 mm-iupput. Aalisakkat pisarineqartussat minnerpaaffissaat imaapput: Saarullinnut 44 cm kiisalu kullerinut 40 cm.

Saarullinnik, kullerinnik saarulliusaanillu minnerpaaffilikkannik aalisarnermi ataatsimi pisarisuukkat tamarmik pisat 15 %-erisinnaavaat.

Aalisarfiit ammarneqarneri matuneriluunniit pillugit aalajangiinnermi aalajangiineq pillugu illuatungeriit imminnut paasissutissiinerisa kingorna ullut arfineq-marluk qaangiunneranni atuutilertassapput. Aalisarfinnik ammaanermut matusinermulluunniit aalajangerneq aalisariutinut oqartussanit akisussaasuusunit nalunaarfigineqariaannartut ingerlaannartumik atuutilertassaaq.

Saarullinniarnermi ikerinnarsiorluni qalorsuit atoqqusaanngillat.

Ullup qaangiutinnginnerani ullormi qaangiutilersumi pisat umiarsuarmi allattaavimmi naqqissorneqarsinnaapput.

### **Raajat**

Raajarniarnermi qalorsuit nigartaasa minnerpaaffissaat tassaavoq 35 mm. Immikkoortiterissutit pakkaarutaannik atuinermi pakkaarutit annerpaamik 19 mm-it russit aningaasarsiornikkut aalisarfiannik raajarniarnermi pinngitsoorani atorneqarnissaat piumasagaataavoq. Raajarniarnermi pakkaarutinut qajannaallisatinik ikkussisoqarsinnaavoq qajannaallisatit pakkaarutaasa nigartaat 80 mm-nit minnerunngippata.

Raajarniarnermi saarulleeqqanik sanitigut pisarisuukkat 1 tonsimut 800-nit amerlanerussanngillat; kullerinik saniatigut pisarisuukkat 1 tonsimut 300-t sinnissanngikkaat. Qaleraleeqqanik saniatigut pisarisuukkat raajat 1 tonsiuppata 300-t sinnissanngilaat.

Aalisarfiit ammarneqarneri matuneriluunniit pillugit aalajangiinermi aalajangiineq pillugu illuatungeriit imminnut paasissutissiinerisa kingorna ullut arfineq-marluk qaangiunneranni atuutilertassapput. Aalisarfinnik matusinermulluunniit aalajangerneq aalisariutitut oqartussanit akisussaasusunit nalunaarfigineqariaannartut ingerlaannartumik atuutilertassaaq.

Ullup qaangiutinnginnerani ullormi qaangiutilersumi pisat umiarsuarmi allattaavimmi naqqissorneqarsinnaapput.

### **Sumiiffiit piffissallu ilaanni matusinerit:**

Sumiiffinni ukunani aalisarnermi atortut immap naqqanut attuuttartut atorlugit aalisarneq inertequtaavoq:

1) Kalaallit Nunaata kitaata kujataani 64° 10' N aamma 65°15' N aamma sinerissamit tunngaviusumik killeqarfimmit 3 sømilimik avasinersup akornanni immikkoortuni ukunani:

71°00' N 43°00' E  
71°00' N 40°30' Ø  
71°30' N 40°30' Ø  
71°30' N 43°00' Ø kiisalu aallaavimmut ingerlaqqilluni.

Sumiiffinni ukunani aalisarnermi atortut immap naqqanut attuuttartut atorlugit aalisarneq inertequtaavoq immikkoortuni ukunani:

68°55' N - 37°00' Ø;  
69°25' N - 37°00' Ø;  
69°25' N - 39°00' Ø;  
69°50' N - 39°00' Ø;  
69°50' N - 43°00' Ø;  
69°10' N - 43°00' Ø;  
69°10' N - 40°30' Ø;  
68°40' N - 40°30' Ø;  
68°40' N - 39°00' Ø;  
68°30' N - 39°00' Ø;  
68°30' N - 38°15' Ø kiisalu aallaavimmut ingerlaqqilluni.

Qalorsuarnik kilisattoqaqqusaanngilaq:

1. januarimit 31. junimut aalisarfik ukununga killilerneqarsimavoq:

68°35' N - 38°00' Ø;  
69°30' N - 38°00' Ø;  
69°30' N - 44°00' Ø;  
68°35' N - 44°00' Ø kiisalu aallaavimmut ingerlaqqilluni.

## Kalaallit Nunaata aalisarfiani makku atuupput:

Kalaallit Nunaata Kitaani qaleralinniarnermi misiligutissanik pinngitsoorani tiguisoqartartussaavoq. Aalisariutit tamarmik sapaatip akunneranut marloriarluni qalerallit 150-it uuttortartassavaat. Paasissutissat tamarmik Pinngortitaleriffimmut nassiunneqassapput, Postboks 570, 3900 Nuuk, Grønland, Uunga Rasmus Nygaard imaluunniit qarasaasiatigut rany@natur.gl

Malitassat misiligutissanullu atortut tunniunneqarsinnaapput uunga saaffiginnikkut Kalaallit Nunaanni Aalisarnermut Akuersissutinik Nakkutilliisoqarfik (KANUAANA), e-mail: gflk@nanoq.gl

## Aalisakkanik nioqqutissianut naatsorsueriaatsit ataatsimoortut

Kalaallit Nunaanni akuerineqarpoq kalaallit aalisartut russit norgemiullu aalisartut assigalugit aalisakkanik nioqqutissianut naatsorsueriaatsit tulliuttut atulerniarlugit norgemiut-russillu peqatigiillutik aalisarneq pillugu ataatsimiititaliarsuata 49-saannik ataatsimiinneranni aalajangerneqartut:

### Saarullinnut:

- niaquigaq erlaviigarlu - 1:18
- niaquigaq erlaviigarlu - 1:50 (round cut)
- niaquigaq erlaviigarlu - 1:55 (straight cut)
- niaquigaq erlaviigarlu qutuikkat - 1:74

### saarullit tisaat

- Tisaat amillit saanillit - 2:65
- Tisaaq amiigaq saanilik - 2:84
- Tisaaq amiigaq saaniiagaq - 3:25
- Tisaaq amilik saaniiagaq - 2:95
- Tisaaq amilik (saaniiagaq) erlaviigaq - 3:16
- Tisaaq amiigaq (saaniiagaq) erlaviigaq - 3:43

### Kullerirut:

- Aalisagaq ilivitsoq niaquigaq erlaviigarlu - 1:14
- niaquigaq erlaviigarlu - 1:40 (round cut)
- niaquigaq erlaviigarlu qutuikkat - 1:69

### kullerit tisaat:

- Tisaaq amilik saanilik - 2:76
- Tisaaq amiigaq saanilik - 3:07
- Tisaaq amiigaq saaniiagaq - 3:15
- Tisaaq amilik saaniiagaq - 2:80
- Tisaaq amilik (saaniiagaq) erlaviigaq - 3:01
- Tisaaq amiigaq (saaniiagaq) erlaviigaq - 3:28

Ruslandip Kalaallit Nunaat ilisimatippaat avannaani aalisarnermi Nalunaarut nr. 414 30. oktober 2014-imi russit Nunalerinermut ministeriaqarfiata atuutsitsilernera aqqutigalugu

aalisarneq pillugu malittarisassani paragraf 14:3 malillugu inerteqqutaanngilaq pisat aalisakkanut immamilluunniit uumassusilinnit nioqqutissat naatsorsorneqaleraangata 1 kg-mut akunnaallisarnissaat. Naatsorsueriaatsit akuerisaasut Norgemiut Russillu ataatsimut aalisarnermut ataatsimiititaliarsuaata 49-ssaannik ataatsimiinneranni Isumaqaatigiisummut tapiliussamut Ilanngussaq 7-imi takuneqarsinnaavoq aamma allaatigisani katersani "Imaanit uumassusilinnik isumalluutinik nioqqutit pillugit ataatsimut ileqqorineqartut" nassaassapput.

Qulaani saqqummiunneqartut malinnagit aalisakkanik tunisassiortoqassagaluarpas immikkut ittumik ukiumut ataatsimut atuuttussamik periaasiliortoqarsinnaavoq nioqqutissiat FSBSI "VNIRO"-mik akueralugit ineriartortillugilluunniit imaluunniit nunap immikkoortuani teknikikkut assigiissaarummik FSBSI "PINRO"-mik najoqutaqarnikkut.

Naatsorsueriaatsinik tunngasunik inerisaanermut qinnuteqarnermullu kattuffimmut attaveqarnissamut paasissutissat ukuupput: FSBSI "VNIRO", 17 Verkhaya Krasnoselskaya St, Moskva, 107140; Oqarasuaat: +7 (499) 264-93-87; e-mail: vniro@vniro.ru.

## **6 Illuatungeriit aalisarnerat, aalisarnermut inatsisinik atuutsitsilernerat atuutsitsinerallu pillugit oqaloqatigiinnerannit inernerit.**

6:1 Illuatungeriit russit aalisarnikkut aningaasarsiorfiani Barentip imartaaniittumi kiisalu kalaallit aningaasarsiorluni aalisarfianni aalisarnermut malittarisassatik imminnut ilisimatitsissutigaat.

Ruslandimit ersarissarneqarpoq russit norgemiullu aningaasarsiornikkut aalisarfianni akuersissuteqarani aalisartoqalissagaluarpas tamanna russit inatsisaannik unioqutitsinerussasoq.

Ruslandip ilisimatitsissutigaa russit oqartussaasa sulianik sullissisui ukiumut tullermut akuersissummik qinnuteqaatinik suliaqaraangata kalaallit aalisariutaasa ukiumi kingullermi nalunaartussaataa nerimik piumasaqaammik eqquutsitsisimanersut nalilersorneqartarmat, eqquutsitsisimanngikkaangatalu akuersissummik qinnuteqaataat itigartinneqartarluni.

6:2 Russit Barentip imartaani aningaasarsiorfikku aalisarfianni kalaallillu aalisarfianni akuersissutinik tunniussisarneq pillugu periaatsit illuatungeriit oqaluuseraat. Illuatungeriit 2020-mi aalisarfimmini akuersissutinik tunniussisarneq maanna atorineqartoq malinniarlugu siunertaqarnertik uppersarparaat.

6:3 Ruslandip uppersarparaa kalaallit aalisariutaat russit aningaasarsiorfittut Barentip imartaani aalisarnissamut akuersissutinik qinnuteqaataat kalaallit oqartussaasa tuluttut allaganngorlugit uunga nassitissagaat Severomorskoe Territoriale Department imaluunniit allakkatigit uunga 7 Kominterna Gade, 183038 Murmansk, Rusland, imaluunniit sinniisuutitartik aqutigalugu.

Ruslandip ilisimatitsissutigaa Ruslandimi akileraartarnermi malittarisassat naapertorlugit russit aningaasarsiornikkut aalisarfianni aalisarnissamut akuersissut naalagaaffimmut akitsuut 800 rubler akilerneqassasoq kiisalu akuersissummik allannguinermi 350 rubler akilerneqassasut.

2020-mi Barentip imartaani russit aningaasarsiorfittut aalisarfianni aalisarnissamut akuersissummik qinnuteqaatissaq kiisalu akuersissummik allannguissamut qinnuteqarfissaq Ruslandip Kalaallit Nunaanut saqqummiuppaa kiisalu (Ilanngussat 7 aamma 8).

Ruslandip aamma uppersarpaa kalaallit aalisariutaat russit aningaasarsiorfittut Barentip imartaani aalisarnissamut akuersissut allaqqaagaq tunniussimallugu. Akuersissummi allaqqaakkami ilaatinneqassapput aquttup aqqa, aalisakkat suut aalisarneqassanersut aamma aalisarneqarsinnaasut amerlassusaat kiisalu paasissutissat allat. Ruslandip neriorsuutigaa aalisarnissamut akuersutaqaartup tunniunnissaanut kalaallit oqartussaaf ikiorniarlugit.

Akuersissutaqaartumik russit inatsisaat malillugu allannguisoqarsinnaavoq (Russit naalakkersuisuisa nalunaarutaat nr 775 22 oktober 2008-meersoq).

Ruslandip kalaallit aalisariutaat russit aningaasarsiorfittut Barentip imartaani aalisarnissamut akuersissutinik qinnuteqaataat kalaallit oqartussaannut tuluttut allaganngorlugit uunga nassiutissagaat Severomorskoe Territoriale Department imaluunniit allakkatigut uunga 7 Kominterna Gade, 183038 Murmansk, Rusland, imaluunniit sinniisuutitartik aqutugalugu.

Allannguutit akuersissummut ilaatinneqassapput saaffigineqarnermilu aalisariummiitinneqassallutik.

Russit oqartussaasa aalisarnissamut akuersissummut qinnuteqaat kalaallit oqartussaannut nassiunneqassaaq ugguuna fax aqutugalugu Nr + 29934 63 55, imaluunniit e-mail: apnn@nanoq gl.

Kalaallit oqartussaasa kalaallit aalisarfiini aalisarnissamut akuersissutit russit aalisariutaannit atorqeartussat uunga nassiunneqassapput Severomorskoe Territoriale Department uunga e-mail: murmansk@bbtu.ru PDF-filitut.

6:4 Ruslandip ilisimatitsissutigaa 2020-mi russit inatsisaat malillugu russit Barentip imartaani aningaasarsiorfittut aalisarfianni aalisarneq kiisalu immami uumassusilinnik akuerisaasumik tulaassineq, usigiaaneq usinilluunniit nuussineq pissapput naalagaaffeqatigiit isumannaallisaanermik kattuffianit nakkutilliisumik nakkutilliisoqarluni pissasut. Kalaallit Nunaata qulakkiissavaa nakkutilliisut "Sever-1"-imi aamma "Sever-2"-mi ikillutillu nuisarnissaat imaluunniit allami Barentip imartaani aningaasarsiorluni aalisarfiimi FSB-mit akuerineqarsimasumi russit Issittup kitaani sineriammik nakkutilliisuinit (Tlf: +7 8152 48 75 82; Fax: +7 8152 48 76 25; e-mail: cc@pufsbm ru). Aamma kalaallit aalisariutaat russit nakkutilliisui neqeroorfigissavaat ikinerannit niunissaannut aalisariutit aqumiui assigalugit ineqartinnissaannut.

6:5 Kalaallit Nunaata ilisimatitsissutigaa russit aalisariutaat kalaallit aalisarfianni ikerinnarsiortunik suluppaagarniarniartut natersiortunillu kilisanniartut aalisarfimmut tikinnissartik kingusinnerpaamik 12 tiimit sioqqullugu kalaallit oqartussaaf nalunaarfigissagaat.

6:6 Ruslandip ilisimatitsissutigaa allamiut aalisariutaat russit Barentip imartaani aningaasarsiorluni aalisarfianni aalisarnissaannut periaatsit piumasagaatillu, soorluttaaq tamanna Russit aningaasarsiorluni aalisarfiannut Inatsimmi nalunaarutigineqartoq Nalunaarummi nr 191-3 af 17 december 1998-imeersumi kiisalu Avannaani Aalisarfimmut

aalisarnermi malittarisassat Nalunuaarut nr 414 30 oktober 2014-imeersukkut russit Nunalerinermut ministeriaqarfiannit atuutsinneqalersoq malillugu. Ruslandip uppernarsarppaa russit nunallu allamiut aalisariutaannut nakkutilliinissamut periaatsit pioreersut (Ilanngussaq 2) suli atuummata.

Kalaallit aalisariutaat uunga nalunaaruteqartassapput Severomorskoe Territoriale Department, fax No + 7 8152 798126, e-mail: [murmansk@bbtu.ru](mailto:murmansk@bbtu.ru), Issittup kitaatungaani russit sinerissamik nakkutilliisuinut ataqatigiissarisunut immikkoortortaq (5 Severny proezd, 183038 Murmansk, Russia, oqa: +7 8152 487582, fax: + 7 8152 487625, e-mail: cc@pufsbm.ru) aamma Murmanskimi immikkoortortaq FGFI “Centre of Fishery Monitoring and Communication” (Murmansk branch of FGFI CFMC), fax: +7 8152 / 474852 0 - e-mail: [mchristensen@airgreenland.gl](mailto:mchristensen@airgreenland.gl)

- Russit Barentip imartaani aningaasarsiornikkut aalisarfianut akuerisaasumik aalisarnermi tikinnerit tassanngalu aallarnerit tamaasa ;

- ullormut aalisariutit aalisarfiisa pisamiluunniit usigiaaqqullugit nuunnerisa sumiiffii ;

- pisassiissutinit pisat ullormut, ullunut qulinut qaammammullu ilisimatitsinerit.

6:7 Ruslandip siunnersuutigaa aalisarnermi tulaassinermilu nakkutilliisunik paarlaasoqarsinnaanerata isumaliutiginnissaa.

6:8 Illuatungeriit isumaqatigiissutigaat illuatungimi aalisariutaa imartami aalisartuq januaarip aallaqqaataata kingorna aalisarnini ingerlatiinnarsinnaagaa periaatsit atuuttut naapertorlugit nutaamik akuersissummik pisoqarnissaata tungaanut. Kalaallit aalisariutaat russit Barentip imartaani aningaasarsiorfittut aalisarfianni aalisarnertik aallartissinnaavaat akuersissutit allaqqaarneqartut tigunnginnerini qarasaasiakkut assilineri tunngavigalugit.

6:9 Illuatungeriit isumaqatigiissutigaat kalaallit aalisariutaasa russit Barentip imartaani aningaasarsiornikkut aalisarfianni aalisarneranni (Ilanngussaq 9) kalaallit oqartussaasa akuerisaannik umiarsuarni allattaavinnik atuisassasut.

Russit aalisariutaat kalaallit aalisarfianni aalisartut (Ilanngussaq 10) aalisarneranni umiarsuarnut allattaavinnik atuisassapput russit oqartussaasa akuerisaannik. Russit aalisariutaasa aamma kalaallit aalisariutaanni umiarsuarni allattuiviit kajumissusertik naapertorlugu atorsinnaavaat.

Ruslandimit uppernarsarneqarpoq russit aalisariutaasa Aalisarnermi allattuiffik Russit Nunalerinermut ministeriaqarfiata nalunaarutaatigut nr 375 24 august 2016-imeersukkut atuutsinneqalersoq atortarlugu.

Russit NEAFC-mi aqunneqartuni aalisariutaat kalaallit pisassiissutaannik aalisartut kalaallit allattuiffiannik atuisarunik naammappoq.

6:10 Illuatungeriit oqaatigaat ukiuni kingullerni Nunap immikkoortortaani Aalisarnermut aqutsinermut kattuffiit nunat tamalaat akornanni nakkutilliisarnerannut suleqatigiinnertik pingaartuusoq tamatumalu siunissami ingerlatiinnarnissaa kissaatigalugu oqaatigalugu.

## **7. Paasissutissanik qarasaasiakkut paarlaaqatigiittarnissamik isumasiuinerit**



## **7.1 Illuatungeriit aalisariutiminnik qaammataasakkut imminnut nakkutiginerat**

Illuatungeriit "Ruslandip Kalaallillu Nunaata aalisariutinik tunngaveqarluni qaammataasakkut nakkutilliissutitut tunngasunik isumaqatigiissutaat" (Ilanngussa 3) 2019-imi atuutsinneqalernera oqaluuseraat isumaqatigiissutigalugu isumaqatigiissutip taassuma atuunera 31. december 2020-mut sivitsorniarlugu.

Illuatungeriit isumaqatigiissutigaat isumaqatigiissutip atuunera nunat taakku marluk tullianik isumasioqatigiilerunik eqqartorniarlugu.

Illuatungeriit isumaqatigiissutigaat Ruslandip Kalaallillu Nunaata aalisariutinik tunngaveqarluni qaammataasakkut nakkutilliissutitut tunngasunik isumaqatigiissutaanni imm. 22 naapertorlugu aalisariutiminni atortut suut ikkussorsimanerlugit allattorsimaffimmik paarlaaqatigiinniarlutik

## **Elektroniskimik nalunaaruteqartarneq aamma elektroniskimik umiarsuarmi allattuivik**

Ruslandip tikkuarpaa immikkoortoq 7:2 Russit Ataatsimut Naalakkersuisuisa aamma Kalaallit Nunaanni Namminersorlutik Oqartussaasa 2018-imut aalisarnermut tunngasunik suleqatigiinneranni Tapiliussami Isumasioqatigiinnerit 26-inut tunngasumi atuutsinneqalersimangitsoq, tassa elektroniskimik nalunaaruteqartarnissamut suleqatigiissitaq (matuma kingorna ERS-imik taaneqartartussaq) suli ataatsimiissimanginnamik. Tamanna isiginiarlugu kiisalu Illuatungeriit aalisariutimi aalisarnermut nalunaaruteqartarnerannut qitiusumik nakkutilliinernik assigiisaartumik paasissutissanik paarlaaqateqartarnissamut inerisaanissamik saqqummiinissamillu eqqarsaatigalugit Ruslandip siunnersuutigaa ERS-imut suleqatigiissitat umiarsuarmi elektroniskimik allattuivimmik atuneq tunngavigalugu Kalaallit Nunaata Ruslandillu aalisariutit pisaannut paasissutissanillu elektroniskimik paarlaaqatigiittarnissamut isumaqatigiissummik suliaqarnertik naammassissagaat 2020-milu taanna misilerarlugu.

Kalaallit Nunaata nalunaarutigaa nunani tamalaani NEAFC-imi UN/CEFACT (FLUX) atuutsinneqalersinnagu taassuminnga ingerlatseqqinnissamut piareersimanatik.

## **8. Illuatungeriinnut soqutigisanik ilisimatuussutsikkut teknikkukkullu suleqatigiinnermut tunngasunik oqallinnerit**

Illuatungeriit aalisarnermi ilisimatusarfitik tapersersorniarlugit isumaqatigiipput, pingaartumik imaani uumassusilinnik ilisimatusarnermi illuatungeriit akornanni nuttartunik kiisalu imartat killeqarfiinut pisartunik ukkatarinnilluni.

Illuatungeriit Kalaallit Nunaata Ruslandillu akornanni ilisimatuussutsikkut suleqatigiinnerup ingerlaannarnissaata pingaassusaa oqaatigaat. Ruslandip ilisimatitsissutigaa kalaallit aalisarfiini suluppaakkanik natersiortunik qaleralinnillu russit aalisariutaasa aalisarneranni 2020-mi aalisarnermi ilisimatuunik nakkutilliisoqartarnertik ingerlateqqinniarlugu.

Suleqatigiinneq qulaani taaneqartoq Tapiliussamut attuumassuteqartumut kiisalu Illuatungeriit ilisimatuussutsikkut sulliviini pilersaarutit isumaqatigiissutaasut tunngavigineqassapput, illuatungeriit akornanni ilisimatitsissutinik avitseqatigiittarneq ilanngullugu eqqarsaatigalugu.

2020-mi russit aalisariutaat kalaallit imartaanni ilisimatusarniarput. Kalaallit Nunaanni ilisimatuussutsikkut pilersaarummi paasissutissanik makkuninnga katersinissat ilaatinneqarput: angissusaat, oqimaassusaat, kiisalu siutaanit qanoq utoqqaatiginerinut misiligutit. Aamma Kalaallit Nunaanni NAFO-mi immikkoortortani 0+1-mi aamma ICES-imi 14-imi (Ilanngussaq 4) qalerallit pitsaanermik nalilersornissaannut misissuinernik paarlaaqatigiittarnissat pitsanngortinnissat Kalaallit Nunaata Ruslandillu suleqatigiissutiginiarpaat.

Isumasioqatigiittarnernut tapiliussat tunngavigalugit russit ilisimatusartui ukiuni kingullerni NAFO-mi ilisimatuussutsikkut siunnersuisoqatigiivini qalerallit pillugit paasissutissanik katersillutillu saqqummiisarsimapput.

Kalaallit Nunaata 2014-imiilli suliniut "Initiating North Atlantic Benthos Monitoring" (INAMon) russit ilisimatusartuinik peqateqarluni (Ilanngussaq 4) ingerlassimavaa. Sulinermut russit ilisimatusartuisa INAM-imut peqataatinneqarnerat iluaquteqartorujussuusimavoq.

### **2020-mi Illuatungeriit pisassiissutinik paarlaannissaannut aalajangiineq**

9:1 Illuatungeriit isumaqatigiissutigaat pisassiissutit kalaallit aalisarfianni aalisariutit russit erfalasuannik erfalasuinnut nuunneqassasut.

#### **9.1.1. Tunup imartaa:**

Suluppaakkat(*Sebastes mentella* and *Sebastes norvegicus*), ikerinnarsiortut, naqqani kilisanneq\_\_\_\_\_300 t  
Qalerallit\_\_\_\_\_325 t

Kalaallit Nunaata uppersarpaa malittarisassat atuuttut naapertorlugit suluppaagarniarnermi immap naqqatigut kilisannermi nigartat 140 mm-iussasut kiisalu ikerinnarsiortunik suluppaagarniarnermi 100 mm-iussasut.

Suluppaakkanut ikerinnarsiortunut aalisarfissatut sumiiffiit Ilanngussaq 12-mi ersarissarneqarput.

#### **9:1:2 Kitaani:**

Qalerallit, 68°00 N-ip kujataani\_\_\_\_\_1125 t  
qalerallit, 68°00 N-p avannaani\_\_\_\_\_550 t

Aamma amerlassusaannut tunngatillugu immikkoortuni 9:1:1 aamma 9:1:2-mi eqqaaneqartut Tunumi Kitaanilu kalaallit inatsisaat malillugu naqqasiortunik saniatigut pisarisuukkat 10 %-erisinnaagaat.

9:2 Illuatungeriit isumaqatigiissutigaat russit Barentip imartaanni aningaasarsiorfittut aalisarfianni kalaallit erfalasuannik erfalasuinnut aalisariutinut pisassiissutit nuunneqassasut:

Saarulliit		4166 t
Kullerit		430 t
Raajat		500 t
Aalisakkanik	naqqasiortunik	pisarisuukkat*
.....		10 %

\* Russit Barentip imartaani aningaasarsiorfittut aalisarfianni aalisagaqatigiinnut ataatsinut kilisannermi ataatsimi pisat 10 %-ii qaangissanngilaat tulaanneqartullu aalisakkat tamaasa isigalugit oqimaassusaat tamakkerlugit isigalugit 10 %-ii qaangissanagit.

Qalerallit kilisannermi ataatsimi oqimaassusaat isiginiarlugit saniatigut pisarisuukkat 12 % tikissinnaavaat aalisarnerlu naammassineqarpat pisat tulaanneqartut 7 %-erisinnaallugu.

Kilisannermi ataatsimi ataatsimut tulaassinnermi ataatsimi suluppaakkat pisarisuukkat pisat 20 %-erisinnaavaat.

Avannaani aalisarfimmi russit aalisarfianni qaleralinnik saniatigut pisarisuukkat pillugit russit inatsisaannik allannguisoqarsinnaanera pillugit Ruslandip ilisimatitsissutigaa.

Kalaallit Nunaata saarullinnik kullerinillu pisassiissutit ilaannik aalisarsinnaavoq Ruslandimit Norgem aningaasarsiornikkut aalisarfianut 2020-mi nuunneqartunik Norgemi oqartussat taama aaqquissuussisoqarnissaanik russit oqartussaannut allakkatigut akuersissummik tunineqareernerisa kingorna. Taamatut pisoqassappat russit oqartussaata Norgemi oqartussat ingerlaannartumik ilisimatissavaat pisassiissutit kalaallit aalisariutaannut nuussineq pillugu.

Kalaallit Nunaata saarullinnik kullerinillu Barentip imartaani qulaani amerlassutsit taaneqartut aamma Kalaallit Nunaata Norgellu isumaqatigiissutaat naapertorlugu nuussinissat eqqarsaatigalugit killiliisinnaanini erseqqissarpaa.

Kalaallit Nunaata Rusland piumaffigaa aalisakkanik assigiinngitsunik pisassiissutinik atuinngitsoorsimanermi periaaserineqartartoq innersuussutigalugu 2019-imi saarullittassat kullerertassallu 10 %-iisa 2020-mut nuunneqassasut taamaalillunilu eqaatsumik periaaseqarneq qulakkeerneqassamat. Ruslandip periarfissat isumaliutiginiarpai Norge isumasioqatigereeruniuk.

Kalaallit Nunaata Rusland qinnuigaa Kalaallit Nunaannut raajartassiissutit illikartinneqarsimasut tamakkiisumik atorluarumallugit kalaallit aalisariutaasa Barentip imartaata avannamut Issittumut imartamut aalisarfissaasa allineqarnissaat pillugu.

2020-mut isumaqatigiissutinut tapiliussat iluanni Kalaallit Nunaannut naammaginarumik aaqquissuussisoqarnissaa anguniarlugu kalaallit raajarniutaasa aalisarfiisa allineqarnissaanik Kalaallit Nunaata qinnuteqarnera Ruslandip isumaligilluarniarppaa.

9:3 Illuatungeriit isumaqatigiissutigaa aalisaritit russinik erfalasullit qulit ataatsikkut akuersissutinik tunineqarsinnaasut, taamaattoq russinik erfalasullit aalisariutit amerlanerpaamik arfineq-pingasut ataatsikkut kalaallit aalisarfittut imartaaniissinnaasut aalisariutillu amerlanerpaamik arfinillit Tunumi ataatsikkut qaleralinniarsinnaallutik aamma aalisariutit

kalaallit erfalasuannik erfalasuullit arfineq-pingasut tikillugit russit Barentip imartaani aningaasarsiorfittut imarnaani ataatsikkut aalisarsinnaallutik.

9:4 *Sebastes mentella* -inik ikerinnarsiortunik kilisattutut kalaallit aalisarfianni ikerinnarsiortunik aalisarfimmut nuussisarneq atoqqinneqalissappat NEAFC-imi aqutsiveqarfiup ilaani pisassiissutit illikartinneqartut ilaat Ruslandip aalisartariaqarpai. Russit aalisariutaasa taamaalillutik kalaallit aalisarfianni aamma NEAFC-p imartaani (Ilanngussaq 11) ikerinnarsiortunik suluppaagarniarnermi eqaatsumik aqutsisoqarnissaanut isumaqatigiissummik eqquutsitsisariaqassapput. Kalaallit Nunaata uppernarsarpaa eqaatsumik aqutsisoqarnissaanik isumaqatigiissummi paragraf 3 russit aalisariutaannut atuutinngitsoq. Isumaqatigiissut naapertorlugu aalisartoqassappat aatsaat tamanna pisinnaasaat russit oqartussaata kalaallit oqartussaannut saaffiginnissimappata kalaallillu oqartussaasa tamanna akuersissutigisimappagu.

Kalaallit oqartussaasa qinnuteqaat taama ittoq akuerippassuk russit aalisariutaat kalaallit aningaasarsiorluni aalisarfianni aamma NEAFC-imi aqutsiviusumi kalaallit akuersissutaat atorlugu aalisarsinnaassapput. Aalisariutit tamarmik pisat aamma pisarinngitsuukkat ullormullu pisat nalunaarutigisassavaat kalaallit nakkutilliinermut oqartussaannut.

Nalunaaruteqartarneq ima pissaaq, nunat tamalaani pisat nalunaarsorsimaffianni Kalaallit Nunaanni aalisarsinnaanermut akuerineqarsimasutut aalisarnerusoq takuneqarsinnaalluni.

Taamatut aaqqissuussinermi atuutsitsinissamut ajornartorsiuteqartoqalissagaluarpas illuatungeriit ukiup ingerlanerani isumasioqatigiissinnaapput.

## **10 Any other business**

Kalaallit Nunaata ilisimatitsissutigaa kalaallit aalisariutaasa 2020-p naannginnerani umiarsuarni allattaaviit elektroniskinnngortinnissaasa atuutsilernissaat pillugu. Rusland formatia pillugu atuutsilinnginneranilu ullut suussanersut Rusland ilisimatinneqarumaarpoq.

Irmingerip imartaani taassumalu eqqaani imartani suluppaakkanik aaqqiissuteqannginneq pillugu Kalaallit Nunaata ernumanini oqaatigaa. Kalaallit Nunaata Rusland kaammattorpaa NEAFC-imi suleqatigiit annertuumik aaqqiissuteqarnissaannut peqataaqqullugu.

Ammassassuit pillugit Kalaallit Nunaata sineriaqartuunini qaqilerpaa. Ruslandip taanna periarfissaq isumaliutiginiarlugu neriorsuutigaa.

Illuatungeriit isumaqatigiissutigaaat Kalaallit Russillu aalisarnermut suleqatigiinnerat pillugu 2020-mi novemberip naanerani/decemberip aallartinnerani Ruslandimi isumasioqatigiissallutik. Qaqugorpiaq sumerpiarlu isumasioqatigiittoqassasoq kingusinnerusukkat isumaqatigiissutigineqarumaarpoq.

Isumaqatigiissummut tapiliussaq una Københavnimi Danmarkimiittumi december 2019-imi suliarineqarpoq tuluttut ruslandimiusullu assilinerannik atuuttunik ilaqartinneqartumik.

Nunatsinnit aallartitat sinnerlugit

Ruslandip aallartitai sinnerlugit

